

# La pagina dei lettori

Pubblichiamo con piacere una poesia pervenutaci, attraverso la nostra e-mail *iloisedilo@tiscali.it*, da parte di una lettrice di Sedilo residente fuori.

## S'Ardia

*Di Angela Masala*

Non passada una frina in su fronte  
ca triulas no azzua' sa friscura  
caddos che valangas in s'arsura  
amuntana a proine Isei su monte

fortes cadderis lieros e possentes  
mantenen forte sas briglias  
manniosos provocan meraviglias  
e saludan amigos e parentes

Catzadores prenu ana sos boetes  
pò sa cursa a totus annunziare  
s'imperadore andana a laudare  
cun isparos fortes che coetes

Passa improinada sa banda  
sonande martzas imponentes  
caddos impetuoso e gaudentes  
cun retore e sindigu acumpanzada

domos apertas puru a sos istranzos  
chi sos eroes saludana festantes  
imbidia de profanos e sartigliantes  
chi de corazu non tenen cumpanzos

Zente amba dae sos continentes  
ismaniosa de bie' sa calada  
e in attesa refriscana in sa funtana  
carzones, bunneddas e bonettes

Dae Bono a pè, pitzinnos e mannos  
pò onorare Costantinu cristianu  
e pedire Grazias a su santu nostranu  
pò sanare dae maladias e affannos

Punì dae s'estero in ariopranu  
arribana e atrumana sa corte  
e non limene su calore forte  
festande dae primu manzanu

ogni paesano in terra istraniera  
torra puntuale a s'appuntamentu  
torrada a domo tottu cuntentu  
apustis un annu de fabbrica o miniera

amba puntuale puru s'aviadore  
chi mai irmentigau a su ritu  
olande dae su lagu finas a Littu  
isetau dae totus che munsennore

sas mammas suni anneuladas  
inserradas comente in clausura  
pò sa cursa non tenne disaura  
a Sant'Elena si suni invocadas

pò torrare grazias a su santu  
riunios suni tottus in sa missa  
puru presente es sa priorissa  
e fieros intonana unu cantu

cando su sole calada in su monte  
totus a domo torran ristoraos  
si su Santu dd'os ada iscurtaos  
e de su suore assutan sa fronte

Febbraio 2004